



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Feveiru 2010

Edisaun Feveiru 2010

JSMP lança Relatoriu Observasaun Jeral Setor Justisa tinan 2009

JSMP nudar organizasaun ida ne'ebe independente ne'ebe hala'o nia knar iha area justisa, advokasia no direitus umanus. Rezume badak ne'ebe hato'o hosi peskizador juridiku sira iha JSMP durante lansamentu katak kontiudu hosi relatoriu ne'e maka resultadu serbisu JSMP hanesan observasaun ba prosesu legislasaun sira, informasaun hosi tribunal no asuntu justisa seluk.

Tuir JSMP katak maske lei sira dezemina ba publiku maibe se iha limitasaun kumprensaun publiku tamba laiha konsultasaun sufisente no produsaun lei hotu hotu sempre ho lian Portugues. JSMP rekomenda ba legislator sira atu halo konsultasaun klean ho publiku antes lei sira aprovoda no promulgadu. Maske nune'e JSMP hakarak kongratula entidade estadu hotu hotu ne'ebe involve iha prosesu produsaun lei kodegu penal ne'ebe sai hanesan baze legal ba kazu krime ne'ebe inklui kazu violensia bazeia ba jeneru no kazu krime internasional sira. Maibe tuir JSMP nia hare katak presiza halo amandementu ba artigu balun por exemplu artigu kona ba abortus, ofensas fisika no agresan, malpratika mediku nian, no abuzu seksual ba minoridade.

Relasiona ho prosesu julgamentu "kazu atentadu 11 Febreiru" JSMP husu ba parte sira atu labele demora demais kazu ne'e tamba tuir JSMP nia hare katak Tribunal gasta tempu barak liu rona testemunha sira ne'ebe lolos lahatene buat ida kona ba kazu ne'e.

JSMP konsidera libertasaun arguidu Maternus Bere hosi Governu nudar asaun inkonstitusional, ne'e duni rekomenda ba orgaun estadu hotu hotu atu labele interven bebeik orgaun judiciariu.

JSMP kongratula Parlamentu Nasional tamba adopta tiha ona rezulusaun ida kona ba implementasaun rekomendasaun relatoriu CAVR no CVA.

JSMP liu hosi Unidade Justisa ba Feto no Serbisu Suporta Vitima kontinua luta nafatin hasoru violensia bazeia ba jeneru liu liu violensia hasoru feto no labarik liu hosi habelar informasaun, monitorizasaun iha tribunal, treinamentu ba grupu feto sira no akompanha vitima sira to'o iha Eskritoriu Ministeriu Publiku.

Atu hetan informasaun ne'ebe klean liu favor kontaktu:

Luis de Oliveira Sampaio

Direitur Eksekutivu JSMP

Tlf: 3323883

Email: Luis@jsmp.minihub.org